

Na osnovu člana 91. Zakona o turizmu („Službene novine KS“, broj 19/16, 31/17, 34/17 i 13/21), Izmjena i dopuna Programa rada i Finansijskog plana Turističke zajednice Kantona Sarajevo za 2021. godinu na koje je saglasnost dalo Ministarstvo privrede Kantona Sarajevo broj: 07-03-04-43128/21 dana 29.11.2021. godine, Pravilnika o sufinansiranju projekata od značaja za turizam u Kantonu Sarajevo broj: 426-4/20 od 15.05.2020. godine, te Odluke o raspisivanju Javnog poziva 3/21 broj: 1407/21 od 10.12.2021. godine, Povjerenstvo Turističke zajednice Kantona Sarajevo r a s p i s u j e

JAVNI POZIV 3/2021
PROMOCIJA BRENDA “VISIT SARAJEVO” KROZ SPORT

I
PREDMET JAVNOG POZIVA

Predmet Javnog poziva je prikupljanje prijava za dodjelu bespovratnih finansijskih sredstava Turističke zajednice Kantona Sarajevo za promociju brenda “Visit Sarajevo”, kroz sportske i outdoor aktivnosti.

II
CILJ JAVNOG POZIVA

Cilj Javnog poziva je promocija brenda “Visit Sarajevo” i povezivanje turizma i sporta kroz realizaciju sportskih projekata, takmičenja, ličnim sportskim angažmanom i sportskim outdoor aktivnostima tokom 2022. godine, čime se ujedno daje podrška vrhunskim i kvalitetnim sportskim kolektivima i sportistima pojedincima, imajući u vidu činjenicu da su naši sportski klubovi i sportaši sa svojim rezultatima najbolji promotori i utiču na stvaranje pozitivnog imidža o Sarajevu.

U svrhu ostvarivanja navedenog cilja aplikanti su dužni:

- a) Brend “Visit Sarajevo” vidno istaknuti na prednjoj strani sportske opreme koja se koristi na oficijelnim takmičenjima,***
- b) Brend “Visit Sarajevo” vidno istaknuti na bannerima na sportskim terenima,***
- c) Brend “Visit Sarajevo” vidno istaknuti na sportskim rekvizitima,***
- d) Brend “Visit Sarajevo” vidno istaknuti na press wall bannerima,***
- e) Brend “Visit Sarajevo” vidno istaknuti u sklopu pratećih sadržaja,***
- f) Brend “Visit Sarajevo” promovirati kroz medijske nastupe prilikom zvaničnih press konferencija,***

kao i omogućiti dostupnost i angažman sportiste/a po izboru Turističke zajednice Kantona Sarajevo, za marketinške i promotivne svrhe.

III IZNOS SREDSTVA ZA SUFINANSIRANJE

Sredstva u iznosu do **400.000,00 KM** za sufinansiranje po Javnom pozivu obezbijeđena su izmjenama i dopunama Finansijskog plana Turističke zajednice Kantona Sarajevo za 2021. godinu

Aplikanti moraju osigurati vlastito učešće u minimalnom iznosu od 15% od ukupne vrijednosti projekta.

IV KORISNICI SREDSTAVA

Korisnici bespovratnih finansijskih sredstava za sufinansiranje projekata i programa su:

- a) sportski klubovi,
- b) sportska društva,
- c) sportska udruženja,
- d) nacionalni sportski savezi (*Napomena: Na Javni poziv mogu aplicirati nacionalni sportski savezi koji učestvuju na međunarodnim takmičenjima u periodu januar - mart 2022. godine*),
- e) sportisti pojedinci.

Korisnici koji su ranije dobili sredstva na jedan od načina sufinansiranja od strane Turističke zajednice Kantona Sarajevo, a čiji utrošak i namjenu nisu opravdali, ili nisu opravdali na propisan način, nemaju pravo na sufinansiranje od strane Turističke zajednice Kantona Sarajevo po ovom Javnom pozivu.

Korisnici kojima se dodijele bespovratna finansijska sredstva po ovom Javnom pozivu za realizaciju projekata/programa dužni su ih koristiti namjenski, na način i u rokovima utvrđenim ugovorom o sufinansiranju.

Korisnici bespovratnih finansijskih sredstava ne mogu iz drugih izvora finansirati iste troškove za koje su dobili sredstva iz Turističke zajednice Kantona Sarajevo, što će biti detaljnije uređeno ugovorom o sufinansiranju.

Korisnici sredstava će Turističkoj zajednici Kantona Sarajevo u roku od 60 dana od realizacije projekta/programa dostaviti detaljan finansijski i narativni izvještaj o korištenju bespovratnih finansijskih sredstava, uz dostavljanje za to predviđenog obrasca, sa pratećom dokumentacijom koja potvrđuje navode u izvještaju.

Ukoliko Turistička zajednica Kantona Sarajevo procijeni da iz dostavljenog finansijskog i narativnog izvještaja sa priložima nije vidljiva opravdanost dodijeljenih sredstava, zatražit će od korisnika bespovratnih finansijskih

sredstava dostavljanje dodatne dokumentacije i obrazloženja o utrošku finansijskih sredstava.

V

KRITERIJI ZA ODABIR PROJEKATA I DODJELU SREDSTAVA

Opći kriteriji:

1. Da imaju sjedište ili prebivalište u Kantonu Sarajevo;
2. Da su registrovani u skladu sa zakonom;
3. Da imaju aktivan transakcijski račun u banci;
4. Jasno opisan projekat/program sa aktivnostima koje će se provoditi, očekivanim rezultatima kroz koje će se jasno vidjeti doprinos promociji brenda „Visit Sarajevo“, kao i doprinos promociji vrhunskog i kvalitetnog sporta na zvaničnim međunarodnim i domaćim takmičenjima, finansijskom konstrukcijom (finansijski plan) i medija planom.

Posebni kriteriji:

1. Učešće u najvećem rangu takmičenja u BiH;
2. Učešće na zvaničnim međunarodnim takmičenjima, što podrazumijeva olimpijske i paraolimpijskim igre, svjetska, evropska i balkanska prvenstva, međunarodna ligaška takmičenja u organizaciji krovnih sportskih asocijacija, i dr.;
3. Stepen samofinansiranja (vlastito učešće minimalno 15%);
4. Inicijative jedinica lokalne samouprave kojim daju podršku sportskim pravnim licima i sportistima pojedincima.

Izuzetno, sredstva se mogu dodijeliti sportskim organizacijama ili pojedincima sa sjedištem van područja Kantona Sarajevo, koji su registrovani na teritoriji Bosne i Hercegovine, ako se radi o projektima/programima od interesa za Kanton Sarajevo, što će se cijeliti u svakom konkretnom slučaju.

VI

POTREBNA DOKUMENTACIJA ZA UČEŠĆE U JAVNOM POZIVU

Aplikanti su dužni dostaviti sljedeću dokumentaciju u originalu ili ovjerenj kopiji ne starijoj od šest mjeseci, uvezanu sljedećim redoslijedom:

PRAVNA LICA

1. Obrazac prijave na javni poziv elektronski popunjen, potpisan i ovjeren od strane ovlaštene osobe;
2. Kompletan projekat/program sa aktivnostima koje će se provoditi, očekivanim rezultatima kroz koje će se jasno vidjeti doprinos promociji brenda „Visit Sarajevo“, kao i doprinos promociji vrhunskog i kvalitetnog

- sporta na zvaničnim međunarodnim i domaćim takmičenjima, kao i medija planom, dostavljen u jednom originalnom primjerku i jednoj kopiji, uvezanih i numerisanih stranica;
3. Detaljno razrađen finansijski plan projekta/programa;
 4. Aktuelni izvod iz registra u kome je aplikant registriran, ne stariji od šest mjeseci od dana objave Javnog poziva (orginal ili ovjerena kopija);
 5. Uvjerenje o poreskoj registraciji - ID broj (original ili ovjerena kopija);
 6. Dokaz o raspoloživim sredstvima, vlastito učešće u minimalnom iznosu od 15% od ukupne vrijednosti projekta (bankovni izvod ili potvrda banke), ne stariji od šest mjeseci od dana objave Javnog poziva (orginal ili ovjerena kopija);
 7. Ugovor sa bankom o otvorenom transakcijskom računu;
 8. Dokaz da protiv podnosioca zahtjeva i lica ovlaštenog za zastupanje, pred sudovima na području BiH nije podignuta optužnica, odnosno da nije potvrđena optužnica, niti je izrečena osuđujuća presuda za krivično djelo (uvjerenje općinskog suda); da se ne vodi prekršajni postupak (uvjerenje općinskog suda); da nije osuđivan (uvjerenje MUP-a); dokazi ne smiju biti stariji od 6 mjeseci;
 9. Potvrda nadležnog granskog sportskog saveza da učestvuju u najvećem rangu takmičenja, domaća ili međunarodna takmičenja (učešće na zvaničnim međunarodnim takmičenjima, što podrazumijeva olimpijske i paraolimpijskim igre, svjetska, evropska i balkanska prvenstva, međunarodna ligaška takmičenja u organizaciji krovnih sportskih asocijacija, i dr);
 10. Potvrda da su do sada imali finansijsku podršku (Vlada KS - nadležno ministarstvo, grad, općine) ili vlastita izjava o finansijskoj podršci koju su imali ovjerena od strane nadležnog organa (općina, notar);
 11. Inicijativa jedinice lokalne samouprave kojom daju podršku sportskim pravnim licima.

SPORTISTI POJEDINCI

1. Da je državljanin BiH (uvjerenje o državljanstvu);
2. Da ima mjesto prebivališta na području Kantona Sarajevo (CIPS prijava);
3. Da je član reprezentacije BiH (potvrda);
4. Da je aktivni član sportske organizacije i registrovan u skladu sa pravilima određene grane sporta (potvrda);
5. Potvrda nadležnog granskog sportskog saveza o ostvarenim rezultatima u 2020. i 2021. godini na međunarodnim takmičenjima, sa navedenim nazivom takmičenja i datumom održavanja istog, kao i da će u narednom periodu predstavljati BiH na prestižnim međunarodnim takmičenjima (navesti naziv takmičenja i datum održavanja istog);
6. Potvrda da je do sada imao finansijsku podršku (Vlada KS - nadležno ministarstvo, grad, općine) ili vlastita izjava o finansijskoj podršci koju je imao ovjerena od strane nadležnog organa (općina, notar);

7. Inicijativa jedinice lokalne samouprave kojom daju podršku sportistima pojedincima.

VAŽNE NAPOMENE:

1. Aplikant može konkurisati samo sa jednim projektom/programom po Javnom pozivu.
2. Da bi aplikant ušao u konkurenciju za odabir po Javnom pozivu mora ispuniti formalno-pravne uslove.
3. Svi dokumenti koji se predaju uz Obrazac prijave projekta/programa kao dokaz o ispunjavanju kriterija učešća iz ovog Javnog poziva, moraju biti originali ili ovjerene kopije, ne starije od šest mjeseci.
4. Sve promjene vezane za adresu sjedišta, telefonski broj, bankovni račun, aplikant je dužan prijaviti u roku od sedam dana od izvršene promjene.
5. Projekat/program mora sadržavati jasno definisane stavke: rok početka projekta i rok završetka projekta.
6. Aplikant je dužan osigurati sve potrebne dozvole za realizaciju projekta/programa.

Turistička zajednica Kantona Sarajevo nije u obavezi vraćati zaprimljenu dokumentaciju koja se odnosi na prijavu za Javni poziv.

VII

OBAVEZA KORISNIKA ODOBRENIH SREDSTAVA

Sredstva podrške za sufinansiranje moraju se isključivo koristiti za realizaciju projekta/programa za koja su odobrena.

Subjekti kojima se odobre sredstva dužni su dostaviti izvještaj o namjenskom utrošku sredstava na propisanom Obrascu koji će biti objavljen na web stranici www.visitsarajevo.ba, uz obavezno istovremeno dostavljanje narativnog i finansijskog izvještaja sa u skladu sa zaključenim ugovorom o sufinansiranju.

Izvještaj se mora dostaviti u roku određenom ugovorom o sufinansiranju, u zatvorenoj koverti, lično na protokol Turističke zajednice Kantona Sarajevo ili putem preporučene pošte sa naznakom **“Izvještaj po JP 3/2021 Promocija brenda Visit Sarajevo kroz sport”**.

Sredstva podrške za sufinansiranje ne mogu se koristiti za:

- Troškove redovnog uredskog poslovanja, plaće i ostala primanja zaposlenih; pokriće gubitaka; poreze i doprinose, osim PDV-a; kredite, kamate na kredite i dugovanja po kamati; dugovanja i rezerve za gubitke ili dugovanja; carinske i uvozne takse ili bilo koje druge naknade);
- Izradu studije, elaborata, projektne i druge dokumentacije;
- Najam i kupnju vozila;
- Stavke već finansirane u sklopu nekog drugog projekta;

- Za sve druge troškove koji nisu vezani za realizaciju kandidiranog projekta/programa.

VIII
NAČIN PODNOŠENJA ZAHTJEVA

Prijava na Javni poziv na propisanom Obrascu prijave (koji se može preuzeti na službenoj web stranici Turističke zajednice Kantona Sarajevo www.visitsarajevo.ba) sa kompletnom dokumentacijom dostavlja se lično ili poštom preporučeno u zatvorenoj koverti sa naznakom:

**PRIJAVA NA JAVNI POZIV 3/2021
“PROMOCIJA BRENDA VISIT SARAJEVO KROZ SPORT”**

na adresu:

TURISTIČKA ZAJEDNICA KANTONA SARAJEVO
Ul. Dalmatinska 2/4
71000 SARAJEVO

IX
OSTALE INFORMACIJE

ROK ZA PODNOŠENJE PRIJAVA:

Javni poziv ostaje otvoren do **27.12.2021.** godine i biće objavljen na službenoj web stranici Turističke zajednice Kantona Sarajevo www.visitsarajevo.ba i u dnevnim listovima Oslobođenje i Avaz.

PRIJAVE KOJE SE NEĆE RAZMATRATI:

1. Prijave s nepotpunim podacima i nepotpunom dokumentacijom;
2. Prijave koje se ne dostave u roku;
3. Prijave korisnika koji su ranije dobili sredstva na jedan od načina sufinansiranja, a koji nisu podnijeli narativni i finansijski izvještaj o namjenskom utrošku dodijeljenih sredstava i čiji utrošak i namjenu nisu opravdali nikako, ili nisu opravdali na propisan način;
4. Prijave čija finansijska konstrukcija projekta/programa uključuje neprihvatljive troškove po ovom Javnom pozivu.

RANGIRANJE PROJEKATA:

Sredstva će se odobravati projektima/programima prema bodovnoj listi od najvećeg broja bodova na niže, do krajnje raspodjele ukupnog iznosa sredstava namijenjenih za ovaj Javni poziv.

ROK ZA DONOŠENJE ODLUKE:

Odluka o odabiru korisnika i dodjeli bespovratnih sredstava donijet će se najkasnije u roku 7 dana od dana zatvaranja Javnog poziva.

Odluku o odabiru korisnika za sufinansiranje projekata/programa donosi Povjerenstvo Turističke zajednice Kantona Sarajevo.

Odluka se objavljuje na web stranici Turističke zajednice Kantona Sarajevo www.visitsarajevo.ba u roku od 3 dana od dana donošenja odluke.

ROK ZA POTPISIVANJE UGOVORA:

Turistička zajednica Kantona Sarajevo će sa odabranim korisnicima potpisati ugovor o sufinansiranju najkasnije u roku od 7 dana od dana objave odluke o odabiru korisnika.

NAČIN ISPLATE SREDSTAVA:

Dinamika isplate sredstava vršit se u skladu sa raspoloživim sredstvima Turističke zajednice Kantona Sarajevo i u skladu sa ugovorom o sufinansiranju.

EVALUACIJA I ODABIR PROJEKATA/PROGRAMA:

Podnesene projekte/programe provjerava i ocjenjuje Komisija, sastavljena od imenovanih predstavnika Turističke zajednice Kantona Sarajevo na način uređen internim aktom.

Svi podneseni projektni prijedlozi se ocjenjuju u dva koraka, u skladu sa propisanim kriterijima, pri čemu je prvi korak (formalno-pravni uslovi) eliminatoran, dok se u drugom koraku ocjenjuje kvaliteta podnesenog projekta/programa.

NADZOR:

Nadzor i provjeru utroška sredstava vrši stručna komisija Turističke zajednice Kantona Sarajevo koju imenuje Predsjedavajući Povjerenstva Turističke zajednice Kantona Sarajevo, putem pisanog izvještaja s pratećom dokumentacijom (dokazima o korištenju sredstava) koje korisnik sredstava u ugovorenom roku dostavlja, kao i uvidom na licu mjesta kod korisnika sredstava kod kojeg ocijeni da je potrebno izvršiti nadzor.

U slučaju objektivno utvrđenih okolnosti koje su uticale na nemogućnost ispunjenja obaveza utvrđenih ugovorom, korisnik sredstava je dužan odmah, a najdalje u roku 3 dana, o tome obavijestiti Turističku zajednicu Kantona Sarajevo u pismenoj formi.

Ako Turistička zajednica Kantona Sarajevo utvrdi nepravilnosti u korištenju sredstava, naložit će povrat u dijelu u kojemu je utvrđena nepravilnost.

POSEBNA NAPOMENA:

U toku provođenja Javnog poziva Turistička zajednica Kantona Sarajevo zadržava diskreciono pravo njegove izmjene i dopune u slučaju nastupanja objektivnih okolnosti (npr. pogoršavanja higijensko-epidemiološke situacije), za projekte za koje se zbog njihove prirode ocijeni potrebnim, što će definirati u ugovoru o dodjeli bespovratnih sredstava.

Sve dodatne informacije vezane za Javni poziv, mogu se dobiti svakim radnim danom, od 13-15 sati, putem telefona 033 252 000 i mail adrese: info@visitsarajevo.ba.



Predsjedavajući Povjerenstva
Turističke zajednice Kantona Sarajevo

Prof. Kenan Magoda